



Ketika populariti mentarang semakin meningkat, hidupan laut unik ini dibelenggu kemungkinan menghadapi masalah kepususan.

Oleh itu, perlunya satu usaha bersepada dilakukan semua pihak berkaitan untuk mengelak kerisauan itu menjadi kenyataan.

Menutup ruangan Wahah Kehidupan minggu ini, ikuti komen Lembaga Kemajuan Ikan Malaysia (LKIM) dan Persatuan Nelayan Kawasan Kuala Selangor mengenai isu membabitkan mentarang.

Oleh Rosyahaida Abdullah
rosyahaida@hmetro.com.my

Kuala Lumpur

Lembaga Kemajuan Ikan Malaysia (LKIM) bekerjasama dengan Universiti Putra Malaysia (UPM) bagi menjalankan kaian secara akademik mengenai mentarang dalam usaha memastikan hidupan laut itu tidak hanya tinggal sejarah kelak.

Pengerusi LKIM Datuk Ir. Mohizam Ibrahim berkata, ancaman kepususan berpotensi berlaku kepada mentarang sekiranya tiada usaha untuk mengekal serta meningkatkan populasinya.

“Saya menerima maklu-

Tak banyak macam dulu

■ LKIM jalin kerjasama dengan UPM pastikan mentarang tidak pupus

mat daripada nelayan di Kuala Selangor yang mengadu jumlah mentarang tidak sebanyak dulu terutama di Pantai Remis yang berkurangan sejak kebelakangan ini.

“Ini sudah tentu memberi impak kepada mata pencarian mereka (nelayan) dan saya khuatir mentarang nanti akan hanya tinggal nama dan tidak dikenali generasi akan datang.

“Kerjasama dengan UPM diharap mampu mencari penyelesaian kepada masalah ini termasuk kemungkinan untuk melakukan pembentahan seperti mana kerang yang dilaksanakan di Pantai Remis,” katanya ketika di temui di Pusat Dagangan Dunia Putra (PWTC) di sini.

Dalam pada itu, beliau yang juga Ahli Parlimen Kuala Selangor mengharapkan sokongan Jabatan Perikanan untuk turut sama berusaha memperkasakan industri mentarang.

FAKTA
Pusat lindungan mentarang perlu diwujudkan bagi memelihara hidupan laut itu

Majlis Daerah Kuala Selangor (MDKS) untuk mengetengahkan mentarang antaranya dengan mewu-



IRMOHIZAM (tengah) bersama Pengurus Besar Persatuan Nelayan Kawasan Selangor, Thazali Shari (kiri) dan Pengurus Persatuan Nelayan Kawasan Kuala Selangor, Omar Abdul Rahman menunjukkan mentarang.

luar,” jelasnya.

Bagi pihak LKIM sendiri, menurut Irmohizam, pihaknya dalam proses untuk penjenamaan semula mentarang bagi memperkasakan lagi spesies itu demi manfaat nelayan dan orang ramai.

Malah beliau juga sudah berbincang dengan Majlis Daerah Kuala Selangor (MDKS) untuk mengetengahkan mentarang antaranya dengan mewu-

judkan papan tanda ‘Pusat Mentarang’ di Pantai Remis.

Menurutnya, Pantai Remis sudah pun popular sebagai lokasi pelancongan dan kewujudan mentarang memberi nilai tambah dalam seterusnya memperkasakan ekonomi kawasan itu.

Beliau turut menggalakkan generasi muda untuk berkecimpung dalam indus-

tri berdasarkan mentarang seperti kraftangan dan sebagainya.

“Kami dalam proses untuk mewujudkan kompleks LKIM di Kuala Selangor. Jika ia dilaksanakan aktiviti pengkomersialan pelbagai sumber laut termasuk mentarang boleh dirumpunkan di sana.

“Saya nampak prospek

yang besar dari segi pelancongan membabitkan mentarang. Selain hidangan yang kian digemari, cangkerangnya cukup berguna untuk tujuan kraftangan.

“Siapa tahu jika populasi mentarang terus meningkat, kita mungkin mampu menyediakan pakej pelancongan berbentuk pengembalaan mencari mentarang buat pelancong dalam dan luar negara,” katanya.

Sementara itu, hasil kajian penyelidik Universiti Sains Malaysia (USM) mendapati punca populasi mentarang berkurangan secara dristik dipengaruhi oleh faktor geomorfologi (bentuk alam dan proses yang membentuknya), kesan arus, kewujudan makanan, kualiti air, pemendapan, aktiviti manusia, pencemaran dan pemangsa.

Kajian terbabit juga menyatakan tiada usaha khusus dibuat untuk meningkatkan pembiakan mentarang secara menyeluruh di negara ini dan boleh menjurus kepada kepupusan secara total.